

Baivle sai ber iaz en Tol? De statistik van lait en 2022

Come ogni anno dedichiamo la prima pagina ad un'analisi dei dati demografici dei nostri comuni, che confermano una sostanziale stabilità del numero dei residenti. Fierozzo/Vlarotz rimane il comune più numeroso, seguito da Prassilongo/Garait e Palai/Palai.



Abia ölbe, de earste Liaba lait van jor stellt vour en de Leser de datn van zeil van lait en Tol en jor as ist garo verpai. De datn va de gönze gamoaschoft sai' haier aa laischiar gleich: Vlarotz-plaip nou de greaseste gamoà, döra kimmpe de sell va Grati ont de kleaineste ist Palai.

Vong ber u' pet Vlarotz. De greaseste gamoà hot ü pfock s jor pet 470 mentschn as kem en de gönze gamoà. De mander sai' 252 gaben ont de baiber 2018. S sai' augöngen viar piabler ont nankat a diarnld. De lait as hom ens galot sai' vinva gaben: viar mander ont a baib. S sai' zuarkemmen 6 mentschn, drai baiber ont drai mander ont de selln as sai' vortgöngen va de gamoà: sai' vinva gaben, an mönn ont viar baiber. En 2022



de zeil van lait en vlarotz ist net gabéckst. De mentschn sai' plim 470, abia der earst to van jor. De mander sai' 254, de baiber 216.

Sech ber iaz de gamoà va Garait, pet Oachlait ont Garait. Der earst to van jor de mentschn sai' gaben 338, pet 173 mander ont 15 baiber. S sai' augöngen zboa kinder, a piabl ont a diarnld. De mentschn as hom ns galot sai' viara gaben an mönn ont drai baiber. De selln as zuarkemmen sai', sai' òchta gaben, vinf mander ont drai baiber ont zboa mentschn, an mönn ont a baib, sai' vortgöngen. Der leist to van jor, en de gamoà va Garait hot s gahöp 342 mentschn, 177 mander ont 165 baiber. Gember iaz envire en Palai. Ber hom ü pfock s 2022 pet 167 lait: 86 mander ont 81 baiber. S ist augöngen a diarnld. Viar mander home -ns galot. S sai' zuarkemmen, zboa baiber ont vinf mentschn (drai mander ont zboa baiber) sai' vortgöngen. Der leist to van jor en Palai hot s gahöp 161 mentschn, 79 mander ont 82 baiber.

Ontiaz de datn ver en gönze tol (de gamoà va Garait, de sell va Palai ont de sell va Vlarotz). Der earste to van jor, de lait sai' gaben 975, 511 mander ont 464 baiber. S sai' augöngen sim kinder, vinf piabler ont zboa diarnlder. De selln as hom en galot sai' 13 gaben, näin mander ot viar baiber. De selln as sai' zuarkemmen sai' 16 gaben, òcht mander ont òcht baiber ont 12 mentschn sai' vortgöngen (vif mander ot sim baiber). Der leist to van jor en de inser gamoaschoft sai' ber 973 plim (510 mander ot 463 baiber). Ont ver za riven, schau ber de zeil van an iata gamoà keing en sell van gönze Tol: asou meing ber sechen s prozent van lait as lem en an iata gamoà. En Vlarotz lep ölbe s 49 prozent van lait va de bersntoler gamoaschoft, abia vertn. Garat hot gabungen an punkt bavai en 2021 ist gaben s 34 prozent van bersntoler ont haier s 35. Ont Palai hot verloun an punkt: en 2021 hot gahöp s 17 prozen ont haier s 16 prozent van bersntoler.



De datn van gamoà'n van 2009 finz haier



De leitrattn do ounn paschraim de zeil van lait, gamoà ver gamoà, van 2009 finz haier.

Vong ber u' pet de Gamoà va Garait. En 2009 hot s gahöp 332 mentschn ont haier 342, zeichen mear. De heacheste zeil ist gaben en 2018 pet 345 mentschn ont der miderste en 2013 pet 319 mentschn.

En de doin zbelv jor de zeil van lait ist augöngen van drai prozent. Palai ist ölbe de kleaineste Gamoà ober de sell as hot verloun s greaseste prozent van lait. En 2009 en Palai hot s gahöp 183 lait ont haier 161. De heacheste zeil ist gaben en 2009 ont de miderste haier. En de doin zbelv jor de zeil van lait ist ogöngen van viarzen prozent.

Vlarotz ist de greaseste gamoà van Tol. En 2009 sai' sa 471 gaben ont haier 470. De heacheste zeil ist gaben en 2013, 2014 ont 2020 pet 487 mentschn. De miderste en 2016 pet 469. En de doin zbelv jor, de zeil van lait ist ungerfer gleich plim.

Innschraim de kinder en kindergört'n ont za schual

De provinz lök bissn as hot s zait finz as de 31 van gennerv za schraim sa inn en kindergört'n. Men mias gea en internet, as de sait van vivoscuola, ont villn auso nt gem o ölla de dokumentn. De kinder as meing üvöngen der kindergört'n s jor as kimmpe sai' de selln as komplirn drai jor vour de 31 van gennerv 2024. Men mu innschraim de kinder as sai' augöngen van earst to van 2018 finz as de 31 van gennerv 2021. De adress ist <https://www.vivoscuola.it/iscrizioni>. Ver de inser gamoaschoft, der sitz ist kindergört'n „Himbling“ va Vlarotz. Ver de earsteschual, mittl- ont hoaschual -ont örbetschual, hot s zait finz as de 30 van gennerv. De kört'n miasn ogen kemmen van an elter ölbe as de internetseit Vivoscuola. Ver za schraim inn schualer ont studentn en a klass eno de earste, mu men ogen de dokumentn deréck't za schual.



Örbet'n en "Azione 19"

De lait ane örbet as sai' enteressiert za vrong za örbet'n pet de Azione 19, meing ogen de vrong finz as de 16 van doi mü'net. De miasn sai' ane örbet va almen 6 mü'net ont hom komprt 50 jor, oder sai' ane örbet, pet mear as 25 jor ont inntschrim sai' pet en gasetz 68 van 1999, oder ane örbet sai', pet mear as 25 jor ont inntschrim sai en sozialdinst va de Provinz. Derzia miasn sa lem en de provinz va Trent va almen 5 jor oder inntschrim sa en interetsait <https://www.vivoscuola.it/iscrizioni>. Men mu de vrong deréck't ogen as de internetseit <https://www.vivoscuola.it/iscrizioni>. Ver de earsteschual, mittl- ont hoaschual -ont örbetschual, hot s zait finz as de 30 van gennerv. De kört'n miasn ogen kemmen van an elter ölbe as de internetseit Vivoscuola. Ver za schraim inn schualer ont studentn en a klass eno de earste, mu men ogen de dokumentn deréck't za schual.

Lavori socialmente utili
in provincia di Trento

www.agenzialavoro2.it

PRESENTA DOMANDA ENTRO IL 16 GENNAIO 2023!

Der bando 2023 van Lòntplan ver de jungen va Persn ont van Bersntol

Men lök bissn as ist ausgaleik kemmen der bando 2023 van Lòntplan ver de jungen va Persn ont van Bersntol. S ist an strument ver za bért gem en de jungen ont za trong envire projekt'n ver sei ont van sei gamòcht. De selln as hom idee ont projekt'n za stelln vour meing sa iaz ogem. De projekt'n miasn nogea, en sell as tschirim ist en PSG, der dokument ver de polit'ik ver de jungen van gamoà an as toahemmen en projekt. De idee oder de projekt'n meing tschickt kemmen en adress a info@asifichimelli.it vour de 31 van gennerv za mitfo. Ver òndra informazionen mu men üriaven de oimn va de gamoà va Persn.

BANDO 2023

PIANO GIOVANI DI ZONA
PERGINE E VALLE DEL FERSINA

SCADENZA 31 GENNAIO 2023
ORE 12.00